



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
ADMINISTRATIVNA KOMISIJA
Broj: 01/7-011-510/03
Sarajevo, 10.4.2003. godine

ZAPISNIK

sa šeste sjednice Administrativne komisije Zastupničkog doma koja je bila zakazana za 9.4.2003.godine, a održana 10.4.2003.godine u zgradi institucija BiH, sala 3/II, sa početkom u 13 sati.

Sjednicom predsjedava predsjedatelj Komisije Munib Jusufović.

Sjednici su prisustvovali ostali članovi Komisije: Vinko Zorić, Nikola Kragulj, Hazim Felić, Jozo Križanović, Mirko Blagojević, Ivo-Miro Jović i Momčilo Novaković.

Opravnano odsutan: Šefik Džaferović.

Sjednici Komisije su prisustvovali i tajnik Zastupničkog doma, Branka Todorović, tajnik Zajedničke službe, Vedran Hadžović i Mirjana Crnjak, šef Opće službe.

Za sjednicu je predložen i jednoglasno usvojen sljedeći

Dnevni red:

1. Usvajanje zapisnika sa 5. sjednice Administrativne komisije;
2. Razmatranje preostalih žalbi u kontekstu provođenja Odluke o pravima zastupnika i izaslanika na stalnom radu u Parlamentarnoj skupštini BiH nakon 05.10.2002.godine;
3. Razmatranje zahtjeva zastupnika za profesionaliziranje radno-pravnog statusa U Parlamentarnoj skupštini BiH i zahtjeva za ostvarivanje naknada iz prava na odvojeni život od porodice;
4. Tekuća pitanja

Ad 1.

Zapisnik sa pete sjednice Administrativne komisije usvojen je jednoglasno bez primjedbi.

Ad 2.

U okviru ove točke vođena je rasprava o pravima bivših zastupnika i to za: Bahriju Osmanović, Mirka Banja i Branislava Lolića, da li imenovani mogu ostvariti prava sukladno Odluci o pravima zastupnika i izaslanika na stalnom radu u Parlamentarnoj skupštini BiH nakon 05.10.2002.godine.

Vedran Hadžović, tajnik Zajedničke službe, je istakao da za imenovane bivše zastupnike nema osnova za donošenje pozitivnog rješenja, odnosno da sukladno Odluci o pravima zastupnika i izaslanika na stalnom radu u Parlamentarnoj skupštini BiH nakon 05.10.2002.godine, ne mogu ostati neraspoređeni.

U raspravi po ovoj točki učestvovali su: Munib Jusufović, Jozo Križanović, Nikola Kragulj, Momčilo Nivaković, Vinko Zorić, Ivo-Miro Jović, i Hazim Felić.

Hazim Felić je predložio da se dosljedno primjeni Odluka o pravima zastupnika i izaslanika na stalnom radu u Parlamentarnoj skupštini Bosne i Hercegovine nakon 05.10.2002.godine.

Nakon rasprave 5 članova Komisije je glasalo ZA, da se udovolji zahtjevima bivših zastupnika da ostanu neraspoređeni na period od 12 mjeseci sukladno Odluci o pravima zastupnika i izaslanika na stalnom radu u PS BiH nakon 05.10.2002.godine, jedan je protiv, a dva člana su bila suzdržana. Većinom glasova ZA pozitivno su riješeni zahtjevi bivših zastupnika, odnosno Bahrija Osmanović, Mirko Banjac i Branislav Lolić ostaju neraspoređeni u Parlamentarnoj skupštini BiH, na period od 12 mjeseci, sukladno Odluci o pravima zastupnika i izaslanika na stalnom radu u Parlamentarnoj skupštini BiH nakon 05.10.2002.godine.

Ad 3.

Članovi Admonistratine komisije jednoglasno su odlučili da se zastupnik Ivo-Miro Jović primi u stalni radni profesionalni odnos, počev od 1.3.2003.godine.

Zahtjev za odvojeni život i smještaj imenovani je povukao.

Jednoglasno Administrativna komisija je odlučila da zastupnik Hazim Felić ima pravo na odvojeni život u iznosu od 400,00 KM, i pravo na zakup stana u iznosu do 500,00 KM, počev od 1.4.2003.godine.

Visina naknade za zakup stana regulirat će se ugovorom o zakupu.

Jednoglasno Komisija je odlučila da se zastupnik Jelina Đurković primi u stalni radni profesionalni odnos od 1.4.2003.godine i odobrila imenovanoj pravo na odvojeni život u iznosu od 400,00 KM i smještaj u iznosu do 500,00 KM, takođe od 1.4. 2003.godine. Visina zakupa stana regulirat će se ugovorom o zakupu, koji će zaključiti tajnik Zajedničke službe sa stanodavcem.

Ad 4

U okviru ove točke tajnik Zajedničke službe, Vedran Hažović upoznao je članove Komisije sa žalbom Lejle Tafro- Sefić. Vedran Hadžović je rekao da se imenovana žalila na postavljenje kandidata Željka Ivankovića, na radno mjesto šefa Iformativno-dokumentacione službe iz razloga što je bila prvorangirana na tom radnom mjestu sa postignutih 158 bodova, dok je postavljeni kandidat Željko Ivanković bio na trećem mjestu po broju bodova sa ukupno 144,2 boda.

U točki 8 objavljenog Javnog natječaja za popunu radnih mjesta državnih službenika u Tajništvu Parlamentarne skupštine BiH, navedeno je da će se prilikom imenovanja voditi računa da ukupna nacionalna zastupljenost uposlenih bude sukladna s nacionalnom strukturom stanovništva Bosne i Hercegovine, prema posljednjem popisu stanovništva, s tim da će u strukturi uposlenih dvije trećine biti iz Federacije Bosne i Hercegovine, a jedna trećina iz Republike Srpske.

Sukladno ukupnom broju uposlenih u Tajništvu PS BiH po nacionalnoj strukturi, kandidat Željko Ivanković je postavljen na radno mjesto šefa Informativno-dokumentacione službe, bez obzira što je bio treće rangirani kandidat, istakao je Vedran Hadžović.

Vedran Hadžović je informirao članove Komisije da je žalbu Lejle Tafro-Sefić, odbila i Komisija za financijske i administrativne poslove Doma naroda.

Komisija je nakon izlaganja tajnika Zajedničke službe, jednoglasno odbila žalbu Lejle Tafro- Sefić kao neosnovanu.

Sjednica Komisije je završena u 15 sati.

Zapisnik sačinila
Mirjana Crnjak

Predsjedatelj Komisije
Munib Jusufović